

From: UUM CORPORATE COMM.
Sent: Thursday, June 20, 2019 2:12 PM
To: UUM - All Staff; UUM - All Students
Subject: Pelajar Asasi Perlu Komitmen Tinggi Jadi Pelajar Berkualiti



UUM Corporate Comm.
Universiti Utara Malaysia

20 JUN 2019 / 16 SYAWAL 1440H
=====

"UUM : UNIVERSITI PENGURUSAN TERKEMUKA"
(*THE EMINENT MANAGEMENT UNIVERSITY*)

Oleh: Nordiana Shafiee

Gambar oleh: Muhammad Shamsul Shafie

PELAJAR ASASI PERLU KOMITMEN TINGGI JADI PELAJAR BERKUALITI



UUM ONLINE: Pelajar Program Asasi Pengurusan Sesi 2019/2020 diingatkan agar memberikan komitmen tinggi sepanjang tempoh pengajian mereka selama setahun di Universiti Utara Malaysia (UUM).

Penolong Naib Canselor COLGIS, Prof. Madya Dr. Muhammad Fuad Othman berkata, selama tiga semester itu, pelajar perlu mengikuti dan lulus kesemua 18 kursus.

Menurutnya, kombinasi 18 kursus yang ditawarkan itu bertujuan melahirkan calon pelajar ijazah sarjana muda yang berkualiti dari aspek intelektual, khususnya dalam keupayaan membuat analisis tepat, kritis, peka dengan perkembangan semasa dan berpengetahuan luas.

"Pelajar asasi ini merupakan golongan elit UUM yang akan dididik menjadi 'feeder' bagi 41 program UUM pada peringkat sarjana muda nanti.

"Sehubungan itu, pelajar yang terpilih mengikuti Program Asasi Pengurusan di UUM perlu bersyukur dan memanfaatkan peluang diberikan sebaik mungkin," katanya yang membacakan teks ucapan Naib Canselor pada Majlis Ikrar Pelajar-Pelajar Baharu Program Asasi Pengurusan Sesi 2019/2020 di Dewan Seminar A, Pusat Konvensyen, pagi tadi.

Dr. Muhammad Fuad berkata, pelajar juga perlu berusaha meningkatkan penguasaan Bahasa Inggeris dan berharap semua pelajar pada Kohort 6 kali ini mencapai keputusan Band 4 ke atas dalam MUET.

Selain itu, menurutnya, pelajar perlu mematuhi peraturan ditetapkan seperti etika pakaian, peraturan peperiksaan dan tatatertib Inapan Siswa (INASIS) bagi mengelak daripada membuat sebarang kesalahan yang boleh menjurus kepada hukuman tatatertib serta dibuang universiti.

"Saya berharap pelajar menjadi insan yang berilmu, berbudi dan berbakti sejajar dengan moto universiti. Gunakan peluang yang ada untuk membalas jasa dan pengorbanan ibu bapa.

"Pengurusan UUM juga mendoakan agar semua pelajar akan bergraduat sebagai graduan kelas pertama pada konvokesyen UUM pada akan datang," katanya.

Sementara itu, wakil pelajar, Adeleen Farhani Ahmad Fauzi berkata, UUM telah membuka jalan kepada mereka untuk berjaya pada masa hadapan.

Katanya, pencapaian cemerlang UUM bukan sahaja di peringkat nasional, malah antarabangsa turut membuka hati mereka untuk belajar di universiti ini.

"Kami akan bersiap siaga dengan potensi diri ke tahap maksimum dalam menghadapi cabaran khususnya dalam pekerjaan di era IR4.0, justeru semua pelajar Program Asasi Pengurusan berharap untuk mendapatkan sokongan dan tunjuk ajar.

"Kami akan memastikan dapat mengharumkan nama UUM dan membantu menaikkan nama universiti ini sama ada dalam bidang akademik atau bukan akademik agar kami dapat menjadi graduan cemerlang dalam konvokesyen akan datang," katanya.

Lafza ikrar telah diketuai wakil pelajar, Mohamad Eqmal Rahman Sedek di hadapan Dr. Muhammad Fuad serta pegawai-pegawai kanan UUM.



 Please consider the environment before printing this e-mail



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.